

Aus Vrsachen schon öffters gemelter Vrsach, das diss Jahr weniger gesotten wordten, derentwillen hat sich auch das Spundgelt vmb 61 fl. 36 kr. gemindert, vnnd weillen diss Orths Herkhommen, das von ainem Ganzen Vas 2 kr., von ainem Halben Vas auch 2 kr., ainer Achtl 1 kr.

[fol. 66v]

vnnd ainem Vässl 2 d. Aufleggelt genommen wirdt, so ain Jahr ins ander vngefehr bey 1000 fl. trüfft, waruon der Preumaister sambt dennen Eltisten⁶⁶ mit Einschlus des Oberkhnechts in Arbeith sich befindenten 16 Khnechten *participirn*. Solchemnach wirdet es genedigist anbefolchnernmassen hiemit vorgeschriben, dabei aber amtshalber von Vns souil vnderthenigist erindert, das obiges Auflig- oder Trinckgelt in 17. Thail geheet vnnd mancher Khnecht vill Jahr in Arbeith alda sein mues, bis er in die Verthailung diss Aufleggelts vnder die 16 Khnecht khombt, so ihnen zue *Continuirung* ihres Vleis woll zuuergohnen, beuorab weillen es der Zeit gahr wenig zue dergleichen starckhen Werckh taugliche Khnecht gibt vnd da ihnen solches wider Verhoffen wurdte abgesprochen werden, ist zu besorgen, das sich khönfftig wenig mehr

[fol. 67r]⁶⁷

vmb alhiesige Arbeith beworben wurdten, wardurch alsdan bey hailllosen Khnechten im Sudwerkh sich baldt ein Fehler bezaigen, das Euer Churfürstlich Durchlaucht *Interesse* hierunder grossen Schaden leiden khunde etc.

⁶⁶ Wörtlich alter Ausdruck für „Ältesten“; GRIMM: Wörterbuch, Buchausgabe, Bd. 1, Sp. 273.

⁶⁷ Auch an dieses Blatt ist ein Blattweiser geklemmt. Sh. oben, Anm. 2.